



From
the People of Japan

Komunikadu Imprensa

Serimónia Entrega Máquina Pezadus

ba Redusaun no Rekuperasaun Risku Dezastre iha Timor-Leste

Dili, 27 Agostu 2024 – Iha loron 27 Agostu, hala'o ona serimónia entrega máquina pezadu hamutuk 26 ba redusaun no rekuperasaun risku dezastre nian. S. E. Sr. Kay Rala Xanana Gusmão, Primeiru Ministru Timor-Leste, no Sr. KIMURA Tetsuya, Embaixador Japaun iha Timor-Leste atende serimónia ne'e. S. E. Sr. Mariano Assanami Sabino, S. E. Sr. Mariano Assanami Sabino, Vise-Primeiru-Ministru, Ministru Koordenador Asuntus Sosias no Ministru Dezenvolvimentu Rurál no Abitasaun Komunitária, S.E. Sr. Samuel Marçal, Ministru Obras Públicas, S. E. Kontra-Almirante Donaciano da Costa Gomes 'Pedro Klamar Fuik', PhD, Ministru Defeza, S. E. Sr. Francisco da Costa Guterres, Ministru Interior, S. E. Sr. Gastão Francisco de Sousa, Ministru Planeamentu no Investimentu Estratéjiku, Deputadu Parlamentu Nasional sira husi Komisaun E ba Asuntu Infraestrutura, Sra. Ana Paula da Cruz, Prezidente Konsellu Administrasaun IGEADI-IP, no Dr. ITO Mimpei, Xefe Representante Gabinete JICA Timor-Leste mós marka prezensa iha serimónia ne'e.

Projetu ida-ne'e, ho subvensaun Yen Japonés billaun 8.01 (maizumenus dólar Amerikanu millaun 5) hosi Japaun, fornese total máquina pezadu 26, inklui veikulu bomba drenajen nian, kamiaun baskulante, no eskavadór hidráuliku sira, ba IGE. Objetivu mak atu hasa'e nasaun nia kapasidade preparasaun ba dezastre no kapasidade rekuperasaun liuhosi ekipa Timor-Leste ho máquina konstrusaun ba manutensaun estrada no mota iha Dili no iha nasaun tomak. Ho

Durante serimónia ne'e, Embaixador Kimura halo reflesaun kona-ba istória kooperasaun Japaun nian iha setór infraestrutura, inklui misaun PKO no formasaun sira ne'ebé fornese husi JDRAC, ONG Japaun nian, no afirma katak, *“Ha'u fiar katak prezensa duradoura husi máquina hira ne'e, ne'ebé entrega ona iha tinan 20 liubá husi misaun PKO Japaun nian, simboliza lasu metin entre Timor-Leste no Japaun”* no *“Ha'u komprende katak ita-boot balun iha ne'e ohin maka antigu estudante sira hosi kursu formasaun nian, ka simu instrusaun hosi antigu estudante sira. Ha'u sente kontente atu fornese máquina pezadu foun sira-ne'e ba sira ne'ebé maka badinas hadi'a sira nia koñesimentu no abilidade sira”*.

Tinan ida ne'e hanesan aniversáriu ba dala-25 husi Enkontru Parseiru Dezenvolvimentu Dahuluk, ne'ebé hala'o iha Tókio iha tinan 1999. Japaun iha nafatin kompromisu atu apoia Timor-Leste nia dezenvolvimentu.

###REMATA###

Ba informasaun klean liu tan bele kontaktu:
Embaixada Japaun iha Timor-Leste iha +670 3323131 | 2
Ajénsia Koperasaun Internasionál Japaun (JICA) Timor-Leste iha +670 7317 3486 | 3312420